



Inatsisartuni ilaasortaq, Pele Broberg, Partii Naleraq
/Maani

Bilitsit pillugit § 37 naapertorlugu apeqquteqaammut 2020-081-imut akissut

15-06-2020
Sulliaq nr.: 2020 - 9311
Id nr. 53706862

Asasara Pele Broberg

Inatsisartut suleriaasianni § 37 naapertorlugu bilitsit pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

1. 2020-imi angalaniaat nunaqavissut Covid-19 patsisaalluni qassiusimappat Air Greenland-imiit billetsiminnik utertitsiniaasut?

Akissut: Matumani Air Greenlandip sullitaasalu akornanni niuerneramik tunngaveqarluni sullissineq apeqquteqarfigineqarpoq. Taamaattumik Naalakkersuisut apeqqut akisinnaangilaat.

2. Air Greenland-imut qanoq akeqassava 2020-imi angalaniaanun nunaqavissunut billetit aappaluttunut aningaasat utertitassat tamakkiisut utertissagaanni?

Akissut: Apeqqut 1-imut akissut takuuk.

3. Air Greenland Nunatta Karsianiit aningaasat qanoq annertugisut pissarsiarai, Covid-19 pillugu Naalakkersuisunut isumaqatigiissutit malitsigisaannik?

Akissut: Apeqquteqaatip akineqarnissaanut Peqqissutsimut Naalakkersuisoqarfik ilanngussitineqarpoq. Ilanngussassaq juunip aappaani 2020-mi pissarsiarineqarpoq:
"2. juni 2020-mi ajornartoornermi timmisartuussinissaq pillugu isumaqatigiissummut, Covid-19-ip malitsigisaannik Air Greenlandimut isumaqatigiissutigineqartumut akiligassissutigineqarput 88,7 mio. koruunit."

4. Nunatta Karsianut qanoq akikinnerutigiva Air Greenland atuinnassallugu Danmark-Kalaallit Nunaat akornanni, angallavik tamanut ammaannarnissaannut sanilliullugu?

Akissut: Naatsorsukkanik taamaattunik pigisaqartoqanngilaq, Naalakkersuisut neqerooruteqartitsinissamik eqqarsaateqanngimmata.

5. Naalakkersuisut pilersaaruteqarpat Kalaallit Nunaannut timmisartukkut angallassinerit pisortaniit tapiissuteqarfigineqarunnaarnissaannut?

Akissut: Naalakkersuisut niuerfimmum niuerneramik tunngaveqartumut, imminut nammassinnaasumut tapiissuteqarnissamik siunnerfeqanngillat.

6. Kalaallit Nunaannut timmisartuussineq eqqarsaatigalugu, timmisartuutileqatigiinnut allanut akuersissuteqassalluni sunik periarfissaqarpa, Air Greenland atorunnaarlugu?

Akissut:

Akuersissutit pillugit:

Malittarisassat atuuttut malillugit, Kalaallit Nunaannut timmisartuussinissamut akuersissut, aammalu angallavimmut akuersissut tassunga atasoq pisariaqartinneqarput. Matumani inatsimmut nalunaarut nr. 1149, 13. oktober 2017-imeersoq naapertorlugu silaannakkut angallassinermut inatsimmi § 75, imm. 1 aamma 2 kiisalu § 78 innersuussutigineqarput.

Silaannakkut angallasseqatigiiffik, silaannakkut angallassinermut inatsimmi § 75, imm. 1 aamma 2 naapertorlugu akuersissummik tunngaviummik qinnuteqaateqartoq aamma "Air Operators Certificate"-mik (AOC), Angallannermut, Sanaartornermut Ineqarnermullu Aqutsisoqarfimmiit akuersissutigineqaqqaassapput.

Ullumikkut qinnuteqaateqartarnermi timmisartumik ingerlatsivik Kalaallit Nunaannut timmisartuussinissamut akuersissummik Angallannermut, Sanaartornermut Ineqarnermullu Aqutsisoqarfimmut qinnuteqartussaavoq. Angallannermut, Sanaartornermut Ineqarnermullu Aqutsisoqarfiup suliamik suliaqarnerani akuersissuteqarnermi politikikkut aningaasaqarnikkullu kingunerisinnaasat peqqutigalugit Namminersorlutik Oqartussat tusarniaaffigineqartussaapput.

Kalaallit Nunaannut aamma Kalaallit Nunaanniit attartortitsilluni timmisartuussinermut BL 10-1-imi inuinnaat silaannakkut angallanneqarnerinut aalajangersakkani aalajangersarneqartut atuupput.

Danmarkip saniatigut nunanit allanit timmisartuussinert:

Silaannakkut angallannermi aamma nunanut allanut suliassaqarfiit tiguneqarsimangillat, taamaattumillu Kalaallit Nunaanni isumaqatigiissutit assigiinngitsut, danskit tungaanniit isumaqatiginninniutigineqartut tunniunneqartullu atorfissaqartinneqarput.

Danmark EU-mut ilaasutut silaannakkut angallannermut isumaqatigiissutinut, EU-p nunallu EU-p avataaniittut akornanni isumaqatigiissutigineqartunut ilaavoq. Kalaallit Nunaat EU-mi isumaqatigiissutinut taakkununnga ilaanngilaq, kisiannili naalagaaffiit akornanni niueqatigiinnissamut isumaqatigiissutinut, soorlu Danmarkip USA-mut aamma Canadamut isumaqatigiissutigisaannut ilaavoq. Taakku amerlanertigut pisoqaasarput.

Naggasiutigalugu erseqqissaatigissavara, danskit oqartussaasui silaannakkut angallassineq pillugu nukittuumik tatiginneqatigiiffiusumillu suleqatigineqartarmata. Isumaqatiginninniarterit nalinginnaasumik Danmarkimi ingerlanneqartaraluartut, taakku Kalaallit Nunaat suleqatigalugu aammalu Kalaallit Nunaatalu suliniarneratigut ingerlanneqartarput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Karl Frederik Danielsen